

Dr. M akan bentang laporan Dasar Pelajaran Kebangsaan

KUALA LUMPUR, Khamis — Timbalan Perdana Menteri, Datuk Seri Dr. Mahathir Mohamad akan membentangkan Laporan Jawatankuasa Kabinet mengenai pelaksanaan Dasar Pelajaran Kebangsaan dalam satu sidang akhbar di Jabatan Perdana Menteri, esok.

Laporan tersebut yang mengkaji semula tentang dasar itu diluluskan oleh Parlimen dalam tahun 1961, menyentuh semua aspek pelajaran di Malaysia.

Ia juga menggariskan berbagai perakuan mengenai bidang yang luas merangkumi perkara-perkara seperti sistem peperiksaan dan kurikulum.

Jawatankuasa itu mula menjalankan tugasnya dalam tahun 1974 yang dipengerusikan oleh Datuk Seri Dr. Mahathir yang pada ketika itu menjadi Menteri Pelajaran.

Jawatankuasa itu juga menerima lebih dari 400 memorandum dari Kesatuan-kesatuan Guru, badan-badan pelajaran dan individu-individu yang terkenal.

Di antara tujuan penting kajian semula itu ialah untuk menilai sama ada dasar pelajaran akan mengeluarkan satu masyarakat yang bersatu, berdisiplin dan terlatih selain dapat menyediakan tenaga pekerja bagi negara ini.